

MIKEL AIZPURU UDAKO EUSKAL UNIBERTSITATEKO ZUZENDARIAK «ITXAROPENEZ» EMAN ZIEN HASIERA

Euroari buruzko hitzaldiak zabaldu ditu UEUko 27. ikastaroak Iruñean

■ Aurtengo ikastaroak, azken urteotako estatusunak gaitzuta, lasaitasunez antolatu dituztela diote antolatzaileek

■ Joan Ramon Elortz: «Ikastaroak nafarroako euskararen normalkuntzarako urratsak dira»

■ Baleren Bakaikoa euroak Euskal Herriko ekonomian izanen duen eraginaz mintzatu zen ikastaroetako lehen hitzaldian

Miren Iriarte / Iruñea

UEU-K, Udako Euskal Unibertsitateak, atzo eman zien hasiera Iruñean udako ikastaroen 27. ekitaldiaren bigarren aldiari. Sarrera hitzaldia Baleren Bakaikoa egin zuen euroa mintzagai hartuta.

Mikel Aizpuru UEUko zuzendariaren esanetan, urtero bi irizpide izaten dituzte ikastaroetako lehenengo hitzaldia zeinek egingen duen aukeratzeko: lehenik eta behin hizlariak bere zientzia esparruan ekarpen garrantzitsuak eginak izan behar ditu. Eta bigarrenik, UEU, ahal den neurrian bederen, ezagutu behar du. Aurtengoan bi baldintzak arras ongi bete direla esan zuen Aizpuru: «Baleren Bakaikoa aspalditik ezaguna da ekonomia munduan, Euskal Herriko ekonomiari buruz hainbat liburu argitaratu ditu eta gainera 1982a eta 1987a bitartean UEUko zuzendari izan zen».

Euroa Euskal Herriko ekonomian. Izenburu hori jarri zion Bakaikoa bere hitzaldiari. Dirua zer den eta zer izan den laburbildu zuen bere hizketaldian; dirua nola bilakatu den, euroa sortzeko premia nondik hasi zen, bere alde positibo eta negatiboak, guregan dagoeneko izan dituen eraginak eta diru berriaren inguruko kritikak azaldu zituen.

Subiranotasunaren ikurra

Dirua transakzio ekonomikoetan erabiltzen den bitartekoa da; gaur egun «ondasun berezi eta unibertsala» Baleren Bakaikoaren arabera. Diruak gaur egun hiru funtzio betetzen ditu; dirua ordainbidea, balioaren gordailua eta kontu unitatea da. Baina Bakaikoa funtzio berri bat erantsi zion atzoko hitzaldian: «Dirua, kasu askotan behintzat, estatuen subiranotasunaren ikurra da». Euroaren sorrera dela eta, funtzio hau argi iku-



JOXE LACALLE

Arrakastaz abiatu dira Iruñeko ikastaroak ere.

Eztabaidarako giro egokia UEUn

■ UEUko zuzendari Mikel Aizpuru eman zion hasiera atzo ikastaroen 27. aldiari, eta aurtengoa lasai eta itxaropenez antolatu dutela esan zuen. Aizpuruaren arabera UEUn aurten badute zer ospatu, azken urteotako estatusunak gaiturik giro berri

eta euskalgintza berpiztuz ekin baitiete. UEU eztabaida eta irizpideak plazaratzeko gune bilakatzea lortu dute, eta gainera «unibertsitateetan ikasten edo irakasten ari diren euskaldunen topagune ireki eta alaia izatea lortu dugu». Gainera, saio osagarrietan

murgiltzeko gonbita ere egin zuen Aizpuru. UEUko zuzendariak ikastaroak aurrera egitea posible egingen duten bazkide eta erakunde guztiei esker eman zien.

Sarrera ekitaldian Nafarroako Gobernu-ko ordezkari Joan Ramon Elortz ere egon

zen. Elortzek ikastaroek hartu duten garrantzi eta ospea azpimarratu zuen, eta Iruñean egiteagatik, Nafarroako euskararen normalkuntzarako «urrats garrantzitsuak» direla esan zuen. Joan Ramon Elortzen arabera, «aurtengo programa

eta berrikuntzak ikusirik, ikastaroak oso probetxugarriak izanen dira; gauza anitz egiteko aukera izanen da, ikasteko eta ongi pasatzeko ere bai».

Sarrera hitzaldian ordezkari politikoak eta kultura munduko ordezkariak ere egon ziren.

si ahal izan da zenbait herri-tan, eta Erresuma Batuan izan dituzten zalantzak jarri zituen horren adibide modura.

«Demokrazia eza»

Maastrichteko tratatua onartuta, baldintza ekonomiko gogorrak bete behar izan zituzten estatu-kideek. Inflazio tasa nahiko gogorra izan zen,

eta Europako batez bestera hurbildu behar zen. Defizit publikoa ere murriztu egin behar zen, eta baldintza gogor hauek Euskal Herriko ekonomian ondorio nabarmenak eragin zituzten. Baldintza hauek betetzearen premiaz, «pribatizazioak jarri ziren martxan, defizit publikoa murrizteko». «Gainera, pen-tsioak murriztu egin ziren, langabetuen baldintzak go-

gortu egin ziren eta gizarte gastuak urritu egin zituzten». Horixe da, Baleren Bakaikoaren arabera, «euroaren sorreraz jadanik ordaindu duguna».

Dena den, Bakaikoaren arabera alderdi positiboak ere izan ditu euroak. Besteak beste, hemendik aurrera diruen arteko transakzio gastuak deuseztu egingen dira eta interes tasak apaldu egingen

dira. Gainera, «Ipar eta Hego Euskal Herriko harremanak hobetu egingo dira».

Hizketaldia amaitzeko, Baleren Bakaikoa kritika sakona egin zuen: «Demokrazia eza». «Europa defizit demokratiko handi batekin eraten ari dela dio jende askok, hiritarrek ez baitute inoiz Maastrichteko tratatuaren erabakietan parte hartzeko aukerarik izan».